

Evening Dogri News Bulletin, 28 July 2025

इवनिंग डोगरी न्यूज़ बुलेटिन

समे .18:15 Hrs

Headlines

- लोकसभा च आपरेशन सिंदूर पर चर्चा शुरू होई। राज्यसभा दी कार्रवाई बक्ख-बक्ख मुद्दें गी लेइए विपक्ष दे हंगामे दे चलदे दिन भरै लेई स्थगित।
- श्रीनगर च सुरक्षाबलें ते आतंकवादिणं बश्कार होए दे टाकरे च त्रै आतंकवादी मारे गे।
- उपराज्यपाल मनोसिन्हा होरें शहीद एडीडीसी डॉ. रामकुमार थापा हुंदी धीस गी नियुक्त सरबंधी आश्वासन पत्र भेंट कीता। थापा होर पाकिस्तान आसेआ कीती गेदी गोलीबारी च शहीद होई गे हे।
- उत्तरी सेना प्रमुख लेफ्टिनेंट नरल प्रतीक शर्मा होरं चिनार कोर दा दौरा लाया। उनें उत्तरी कश्मीर च चला' रदी आतंक रोधी कारवाइणं ते तैयारिणं दा आयलैता।
- पिछले 25 दिनें दरान श्री अमरनाथ की दी पवित्र गुफा च 3 लक्ख 77 जहार श्रद्धालुएं मत्था टेकेआ। कल छड़ी पूजन कीता ग।

<><><><><><>

LS-OP Sindoor

लोकसभा च अज्ज आपरेशन सिंदूर पर बशेष चर्चा शुरू होई। चर्चा दी शुरूआत करदे होई रक्षा मंत्री राजनाथ सिंह होरें पहलगाम च होए दे आतंकी हमले खलाफ इस कार्रवाई गी भारत दी

सशक्त, सफल ते निर्णायक सैन्य कार्रवाई दस्सेआ। उनें आखेआ जे आपरेशन सिंदूर छड़ी फौजी कार्रवाई गै नेई हा, सगुआं एह भारत दी सम्प्रभुता, पंछान ते नागरिकें प्रति सरकार दी बचनबद्धता दे कन्नोकन्नी आतंकवाद खलाफ भारत दी सख्त नीति दा असरदार ते निर्णायक प्रदर्शन हा। रक्षा मंत्री होरें आखेआ जे पहलगाम आतंकी हमले खलाफ कीती गेदी सैन्य कार्रवाई च भारतीय सशस्त्र बलें आतंकवादियें दे 9 ठिकानें गी तबाह करी दिता हा। तोआई, बक्ख-बक्ख मुद्दें पर विपक्ष दी डंड रौली दे बाद राज्यसभा दी कार्रवाई दिन भरै लेई स्थगित करी दिती गई ऐ। एहदे शा पैहले दुई बारी स्थगित होने परेंत जिसलै दपैहरी 2 बजे मगरा सदन दी कार्रवाई शुरू होई ते पीठासीन अधिकारी भुवनेश्वर कलिता होरें समुंद्री माल परिवहन विधेयक 2025 पर चर्चा ते पारित कराने लेई कार्रवाई शुरू करनी चाही पर विपक्ष नै डंड रौली पाई रक्खी जेदे कारण सदन दी कार्रवाई दिन भरै लेई स्थगित करी दिती गई।

<><><><><><>

Encounter

श्रीनगर दे दाचीगाम इलाके दे जंगलें च सुरक्षाबलें ते आतंकवादियें बश्कार होए दे टाकरे च त्रै बेपंछानू आतंकवादी मारे गे न। श्रीनगर आधारित सेना दी चिनार कोर नै जानकारी दिती ऐ जे अभियान अजें जारी ऐ। आतंकवादियें दा किस गुट कन्नै सरबंध ऐ ते उंदी पंछान केह ऐ, इस बारें अजें पता लाया जा'रदा ऐ। सुरक्षाबलें पहलगाम आतंकवादी हमले जेदे च 26 लोक मारे गे हे, मगरा इस लेई जिम्मेदार आतंकवादियें दी धरपकड़ लेई इक व्यापक अभियान रम्भेआ। पिछले इक म्हीने थवां हासिल होआ'रदी खुफिया जानकारियें मूजब आतंकवादी श्रीनगर शैहर थवां 20 किलोमीटर अंदर जंगलें च नस्सी गेदे न। तोआई, सेना दी उत्तरी कमान प्रमुख लेफ्टिनेंट जनरल प्रतीक शर्मा होरें चिनार कोर दी उंदी कार्रवाई लेई सिफत कीती।

<><><><><><>

Compassionate-Appointment

उपराज्यपाल मनोज सिन्हा होरें सुर्गवासी डॉ. राज कुमार थापा हुंदे परोआर कन्नै मलाटी कीती। थापा होर पाकिस्तानी बलें आसेआ राजौरी च कीती गेदी गोलीबारी च शहीद होई गे हे। बैठक दरान उपराज्यपाल होरें डॉ. थापा हुंदी धीऽ गी सहायक कन्नू अधिकारी नियुक्त करने सरबंधी आश्वासन पत्र भेंट कीता। एहदे च भरोसा दोआया गेआ ऐ जे जिसले ओह अपनी पढ़ाई पूरी करी लैडन तां उनेगी इस ओहदे पर तैनात कीता जाग। उपराज्यपाल होरें डॉ. थापा हुंदे परोआर कन्नै अपनियां संवेदना जाहिर कीतियां ते प्रशासन आसेआ हर संभव सहायता दा भरोसा दोआयां इस मौके पर जम्मू दे डिविजनल कमिशनर रमेश कुमार होर बी मौजूद हे।

<><><><><><>

PMMVY

दूर-दरेडे इलाकें च कल्याणकारी योजनाएं दी पुज्ज बधाने दे मकसद कन्नै किशतवाड़ जिले दे छिंगम ग्रांऽ च पोषण प्रोजेक्ट इंदरवाल तैहत प्रधानमंत्री मात्र वंदना योजना सरबंधत इक कैंप दा सरिस्ता कीता गेआ जेदी अगुवाई पोषण दे जायंट डरैक्टर विनोद बहनाल होरें एम.डी मुशीर अहमद हुंदी निगरानी च कीती गई। कार्यक्रम च सुपरवाइजरें, आंगनवाड़ी कार्जकर्ताएं, सी.डी.पी.ओ ते लाभार्थियें जिंदे च गर्भवती महिलाएं बी बड़ी बद्द गिनतरी च हिस्सा लैता। कैंप दरान मती गिनतरी च लाभार्थियें दा मौके पर गै पंजीकरण बी कीता गेआ। इस बारै जानकारी दिंदे होई पोषण दे जायंट डरैक्टर विनोद बेहनल होरें आखेआ।

<><><><><><>

Announcement

आकाशवाणी दा क्षेत्रीय समाचार एकांश जम्मू “स्वच्छ सर्वेक्षण” बारै 30एं मिनटें दा इक विशेष कार्यक्रम प्रसारित करने जा'रदा ऐ जेहड़ा तुस कल 29 जुलाई 2025 गी दपैही साइडे 12 बजे

सुनी सकदे हो। काजक्रम च स्हाड़े मेहमान होडन जम्मू नगर-निगम दे कमिशनर देवांश यादव, जेहड़े इस विषय पर अपने विचार ते जानकारी श्रोताएं कन्नै सांझी करडन। उन्दे कन्नै गल्लबात करडन साढ़ी न्यूज एंकर अभिलाषा शर्मा ते में विजय बजाज। चेता रखेयो स्वच्छ सर्वेक्षण बारै एह विशेष काजक्रम कल मंगलवारें 29 जुलाई गी दपैही साड़ो 12 बजे स्हाड़े इस्सै चैनल पर प्रसारत कीता जाहग।

<><><><><><>

Army Cmdr Chinar Corps

फौज दी उत्तरी कमान दे कमांडर लेफ्टिनेंट जनरल प्रतीक शर्मा होरें अज्ज चिनार कोर दा दौरा लाइयै फौज दिएं कार्रवाईएं सरबंधी तैयारिं ते आपरेशन शिवा सने उत्तरी कश्मीर च जारी होरनें अभियानें दा जायजा लैता। इस दौरान फौजी कमांडर होरें बल दे जवानें ते अधिकारिं दी सराहना कीती ते आखेआ जे ओह अग्गे बी पूरी वचनबद्धता ते पेशेवर ङ्गै कन्नै अपनी जिम्मेदारिं गी निभांदे रौहना। उनें आखेआ जे खिते च रमानदारी बनाई रखने लेई जवानें दा म्हेशां सतर्क रौहना अत लाजमी ऐ।

<><><><><><>

Amarnath-Yatra

3 जुलाई थवां शुरू होई दी श्री अमरनाथ जी दी जाततरा तैहत अजे तगर 3 लकख 77 जहार श्रद्धालुएं पवितर गुफा च मत्था टेकेआ ऐ। कल श्रीनगर दे दशनामी अखाड़ा ईमारत दे अंदर छड़ी सत्यापन समारोह होआ। छड़ी पूजन कल नाग पंचमी दे मौके पर कल छड़ी पूजन कीता जाग। 4 अगस्त गी छड़ी मुबारक अपनी जातरा शुरू करोग ते 9 अगस्त गी पवितर गुफा च पुज्जोग जेदे मगरा इस बारे दी अमरनाथ जी दी जातरा सम्पन्न होई जाग।

<><><><><><>

Budha-Amarnath

श्री बुद्धा अमरनाथ जी दी जातरा दे पैहले जत्थे दा अज्ज जातरा स्टेशन राजौरी च डिप्टी कमिशनर अभिषेक शर्मा, विधायक इफ्तिखार अहमद ते एसएसपी गौरव शिकारवर होरें स्वागत कीता। 901 श्रद्धालुएं दे इस जत्थे च 664 मर्द, 277 महिलां, 2 साधु ते 18 बच्चे शामिल हे। इस दरान अटल पीठादेश्वर श्री-श्री 1008 स्वामी विश्वात्मा नन्द सरस्वती जी महाराज बी उत्थे मौजूद हे। डिप्टी कमिशनर होरें तीर्थ जात्रियें लेई कीती गेदी सुविधाएं दा जायजा लैता जेदे च पीने आहला साफ पानी, बिजली सप्लाई, शौचालय दी सुविधा, लंगर, सुरक्षा बवस्था बगैरा शामिल न।

<><><><><><>

Drug control

दोआइए-औषधिएं दे नियंत्रण सरबंधी विभाग आसेआ रामबन दे बटोत इलाके च मेडिकल दकानें दा निरीक्षण कीता गेआ ते इस गल्लै गी जकीनी बनाया गेआ जे दवाइए आहिलियें सब्भने हट्टिएं आसेआ नियमें दी पालमा कीते जाने दे कन्नो.कन्नी उत्थे सीसीटीवी कैमरे लग्गे दे होने, कम्प्यूटर राहें बिल कट्टे जा जा'रदे होन ते दोआइए दे रक्ख-रखाs आहले दस्तावेजी रिकार्ड खरी चाल्ती बरकरार कीते गेदे होन। साढ़े जिला संवाददाता अजयदीप सिंह दी रिपोर्ट मूजबए कानून दी खलाफवर्जी करने आहली द'उं हट्टिएं गी इस दरान सील कीता गेआ ते उ'न्दे मालकें गी सख्त लफजें च आखेआ गेआ जे ओह कम्मकाज शुरु करने शा पैहले सार सारे नियमें-कायदें दी पालमा जकीनी बनान। इस बारै आकाशवाणी समाचार कन्नै गल्ल करदे होई असिस्टेंट कंट्रोलर ड्रग्स रामबन संजीव कुमार गुप्ता होरें आखेआ।

<><><><><><>

Taekwando

केंद्र शासित प्रदेश सतह दी दुई चिनाब ओपर ताइक्वांडो प्रतियोगिता अज्ज डोडा च पूरे उत्साह कन्नै शुरू होई। इस कार्यक्रम दा सरिस्ता डोडा दे ताइक्वांडो एसोसिएशन आसेआ जेएण्डके ताइक्वांडो एसोसिएशन ते जेएण्डके स्पोर्ट्स काउंसल दे बैनर हेठ कीता गेआ। एहदे च 500 थवां मते खडारी हिस्सा लै'रदे न। एह प्रतियोगिता अगले 2 दिनें तगर जारी रौहग। इस बारे बोलदे होई एडीसी डोडा अजय ठाकुर होरे आखेआ।

<><><><><><>

Chess-Update

जार्जिया दे बटुमी च फिडे महिला विश्व कप 2025 दे फाइनल च भारत दी गै कोनेरु हम्पी गी हराइयै इतिहास रची दिता ऐ। इस जित कन्नै दिव्या देशमुख गैंडमास्टर दा खिताब हासल करने आहली चौथी भारती महिला बनी गेइयां न।

<><><><><><>